

**Atuarfik pillugu inatsisartut peqqussutaata allanngortinneqarneranik Inatsisartut peqqussutaat nr. 8, 15. april 2003-meersoq (Inatsisitigut tunngavigisat pillugit aalajangersakkat) Atuussimasoq (Historisk)**

**§ 1.**

Atuarfik pillugu inatsisartut peqqussutaanni nr. 8-mi, 21. maj 2002-meersumi makku allanngortinneqarput:

**1.** § 9-p kingorna ilanngunneqassaaq:

" § 9a. Meeqqat atuarfiata meeqqat inuusuttullu 20-t inorlugit ukiullit atuartut atuartuunngitsullu sunngiffimmi ilinniartitaanissamik neqeroorfigissavai.

Imm. 2. Meeqqat atuarfiata meeqqat inuusuttullu 20-t inorlugit ukiullit atuartut atuartuunngitsullu sunngiffimmi sammisassaqtitsinerni allani peqataanissamik neqeroorfigisinnaavai.

Imm. 3. Imm. 1 aamma 2 malillugit neqeroorutigineqartut, meeqqat atuarfiata atuartitsinerani nalinginnaasumi aammalu sunngiffimmi sammisassaqtitsineq pillugu peqqussutip iluani neqeroorutinut allanut ataqatigiissaarneqassapput.

Imm. 4. Naalakkersuisut sammisassat imm. 1-3-mi taaneqartut pillugit erseqqinnerusumik aalajangersaassapput."

**2.** § 18, imm. 4-mi oqaaseqatigiit pingajuattut ilanngunneqassaaq:

"Naalakkersuisut tamanna pillugu malittarisassiussapput."

**§ 2.**

Inatsisartut peqqussutaat 1. maj 2003-mi atuutilissaaq, taamaattoq takuuk imm. 2.

Imm. 2. § 1, nr. 1 1. juli 2002 aallarnerfigalugu atortuulersinneqarpoq 1. august 2003-p tungaanut atuutsinneqassalluni, tamatumalu kingorna aalajangersagaq atorunnaassaaq.

Namminersornerullutik Oqartussat, ulloq 15. april 2003

Hans Enoksen

/

Arkalo Abelsen